



partii naleraq

25. april 2019

UPA2019/48

FN-ip inuit innarluutillit pisinnaatitaaffii pillugit aalajangersagaanut Nunatta malitsitsinissaa qulakkeerniarlugu nuna tamakkerlugu iliussissatut periusissiamik kingusinnerpaamik UPA 2020-mi saqqummiunneqartussamik Naalakkersuisut suliaqarnissaat pillugu Inatsisartut aalajangiiffgisasasattut siunnersuut.

(Inuit Ataqaatigiit Inatsisartuni ilaasortaataat)

Inatsisartunut ilaasortat Inuit Ataqaatigiit, siunnersuuteqarput FN-ip innarluutillit pisinnaatitaaffii pillugit aalajangersagaanut Nunatta malitsitsinissaa qulakkeerniarlugu nuna tamakkerlugu iliussissamik Naalakkersuisut saqqummiusseqqullugit siunnersuullu tunngavigalugu matumuuna oqaaseqassaagut.

Nunatsinni innarluutillit pisinnaatitaaffiisa pitsaanerulernissaanik anguniagaqartuarneq sutigut tamatigut pitsaasuunissaa tamatta qulakkeerusukkipput nalorninata oqaatigerusupparput.

Nunatsinni innarluutillit illersuisoqalernerat pilersinneqartoq aammalu pissutsit atugassarititaasullu pitsaasup tunnganut innarluutilinnik sullisisoqarnera ingerlasoqarneralu takusinnaallugu assut nuannaarutigigatsigu tamakkiisumillu tapersersorlugu illoraap tungaanut sullissinermi pissutsit pitsanngoriartornerat.

Tassanilu aamma kommunit pisinnaasartik tamaat ilungersorlutik kiffartuussinerat aamma soorunami annertuumik qujassutissaasoq oqaatigerusupparput.

Kiisalu Upernaaq manna Naalakkersuisut saqqummiussaqqarput. Tassalu UPA 2019/ 205 Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaat inunnut innarluutilinnut tapersiisarneq pillugu Inatsisartut inatsissaattut siunnersuuteqarlutik qujanartumillu siunnersuut tamakkiisumik inatsisartuni ilassilluarneqartoq aamma pissutsit pitsaanerulernissaanut aqutissiussisussaq iluarisimaarlugu oqaatigerusukkatsigu.

Innarluutillit nunatsinni atugassarititaasutigut assigiinngitsut eqqarsaatigalugit isertuunneqarsinnaangilaq innarluuteqartunut suliffissat ilinniarfissallu aqqissuunneri ajoraluartumik killeqartorujussuummata taamatut atugaqartunut assut ilungersunarsinnaasut.

Taavalu aamma inuit tamarmik ornissinnaasaanni inuit innarluuteqartut qamutinik kaamisartakkanik ingerlavigisinnaasaasa pitsaannorsaaffigineqarnissaannik, aammalu innarluuteqartut tappiitsullu ilinniartunngorsinnaaneritut periarfissanik pitsanngorsaanissaq sulissutigiuartariaqartoq siunnersuuteqartup tunngavilersuinermi atugaa tamakkiisumik taperseripput oqaatigissavarput.

Qujanaq, Hans Enoksen